



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ  
ՀՐԱՄԱՆ

**N 1410-Ա/2**

**04.08.2022թ.**

**«ՄՇԱԿՈՒՅԹՆԵՐԻ ԿԱՄՈՒՐՋ» ԵՎ «ՏՈՒՆԸ ՀՐԱՔԻՏԻ ՎՐԱ» ՎԱՎԵՐԱԳՐԱԿԱՆ ԵՎ  
ԽԱՂԱՐԿԱՅԻՆ ԿԻՆՈՆԿԱՐՆԵՐԻ ԹՎԱՅՆԱՑՄԱՆ ԵՎ ՎԵՐԱԿԱՆԳՆՄԱՆ ՀԱՄԱՐ  
ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ «Մշակույթների կամուրջ» և «Տունը հրաբխի վրա» վավերագրական և խաղարկային կինոնկարների թվայնացման և վերականգնման նպատակով.

**Հ Ր Ա Մ Ա Յ ՈՒ Մ Ե Մ**

1. «Հայաստանի Հանրապետության 2022 թվականի պետական բյուջեի մասին» օրենքի N 1 հավելվածի N 2 աղյուսակի «1056. Կինեմատոգրաֆիայի ծրագրի» «11002. Կինո-ֆոտո-ֆոնո հավաքածուի պահպանման ծառայություններ» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից հատկացնել 3917.0 հազար (երեք միլիոն ինը հարյուր տասնյոթ հազար) դրամ՝ «Մշակույթների կամուրջ» և «Տունը հրաբխի վրա» վավերագրական և խաղարկային կինոնկարների թվայնացման և վերականգնման ծախսերին ապահովելու համար:

2. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և Նախարարության գլխավոր քարտուղարի ստորագրմանը ներկայացնել սույն հրամանի 1-ին կետում նշված

գումարը «Փաստավավերագրական ֆիլմերի «Հայկ» կինոստուդիա» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր):

3. Նախարարության ժամանակակից արվեստի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

4. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

---